

種痘新書卷之六

鄭五雲堂梓行

起脹辨症賦

五六日間痘出齊矣點至足心勢方安定猶有陸續不出之狀
或隱隱于皮膚之間而不見其起發者古名不快若非風寒壅
遏之因必有氣虛不振之過是故五六日間痘已出齊身表宜
涼入九日後痘欲釀膿身表宜溫涼則痘之毒氣盡出皮膚而
內不留鬱熱溫則人之血氣自爾流通在外易于運化至此而
身不微熱雖未至于水伏而痘瘡斷乎弗長六七日來痘顆已

成瘡宜肥大而粗頂要發光而白方有行漿之勢若還赤色過頭雖見嬌紅有可愛延綿八日依然到頭空壳虛花其內並無漿影若皮薄而光亮如灯內含是水雖頭尖而根腳不紅行漿弗實如熱毒盛而未解則爲紫爲黑壅而不起則爲陷爲塌滯而不榮則爲乾爲枯爲青爲灰怯而不振則爲不快爲停漿或有內先腫脹而痘反不起者漿則滯而不行面已虛浮而痘反退伏者毒則過而不出身不熱而痘不起恐成水伏之形此際宜行溫藥氣血弱而不興恐成陷伏之弊治此斷用補劑他如紫色干枯切忌溫中滯補只宜活血鬆肌若或皮薄漿滿則宜健脾助氣切勿解毒清涼爲壅爲滯烈藥雖然可發透胤尤是

良方濟世雖宜溫補瀉甚當佐升提界地不分安能起水焦紫不退必致內攻頂有亂紋宜解毒猪鬃眼現是危機此際猶堪解毒急施拯救之功遲之二日則難措手嗟何及乎

起脹三日調治法

痘出皮膚要漸漸起脹蓋痘起一分則毒出一分必痘脹滿而毒乃尽出倘痘不起脹則痘雖見點其毒仍留肺腑數日之後其毒內攻不可救矣故出齊三日之內其時日十分要緊急于此時觀察形色審症用藥猶如拯溺而不可緩救焚而不可遲也大痘之安全必要漿膿飽滿其次亦要膿漿六七分方保無虞痘瘡既出形色顯然其膿之成與不成漿之足與不足此時

皆可逆睹蓋痘出齊後潮熱已退雜症又除稀疎明朗尖圓紅潤皮粗而厚休寔而堅者氣血俱盛毒氣又清必能起脹必能成漿此固可預知也若或稍生不順或熱不退雜症不除色暗而不明勢弱而不振界地不分顆粒不圓紫而不鮮焦而不潤淡而無血薄而不堅者非毒盛之失解卽氣弱之當扶此症若無藥救則必不能起脹不能灌漿亦可以先知也故必於此時力爲調治猶可救也失此不治則不能起脹又安望其成漿乎症之生死決于痘之起伏痘起則毒從外出而可化痘伏則毒留內攻以爲殃故起脹方有生机陷伏必從死例此萬古不易之論決無倖全之理此際可不留心乎

論出時發瘡

痘毒有氣而無形必藉氣以送之血以載之毒附于血達之皮膚以成痘瘡故有形也方出之時毒與氣血滾爲一團乃成點子及痘既出則氣充其土以升毒血附其下以化毒故頂尖而圓者其氣上升也脚有紅暈者其血下附也分清氣血之時痘多作痒及氣血各定其位則氣上升以化毒血下附以養漿其痘自不痒矣痘雖忌痒惟初出時痒乃不惧也

出齊發熱

凡痘出齊必要退熱潮熱已退則毒盡出于皮膚矣若出齊猶熱是毒猶少留于內也出齊大熱是毒甚滯於中也急宜宜毒出

外毒不留滯則熱自退矣而痘亦自長矣但毒之所以滯者亦有兩端 有毒氣壅盛乃滯留而不出者其痘必紅紫乾焦兼之煩悶宜用調元化毒湯以解之若仍不退則用大成散以攻之服此而痘光潤起水即熱未盡退亦當更用補劑蓋八九日上侯常用補不敢復試清涼也 有元虛不能送毒者痘必淡白雖見點稀疎其熱不退亦是留毒未出不可玩忽視之必宜用千金內托散托出痘毒方可無虞

痘當出齊宜固肌表安脾胃蓋肌表爲痘瘡運化成功之地肌表不固則有皮薄漿清潰爛難痂之患故八九日上必用灸芪炙草以其補氣而實腠理也脾土不堅則有泄瀉下陷之

不宜用
利水之
藥

論彙

治癰法

虞而痘安能起脹以成漿故凡滑利下瀉之物戒之切莫與服且痘當起水之際又忌利水之劑雖小便不長乃津液上升之故切不可疏利膀胱而通小便蓋小便太利則痘瘡之水不能起矣是故木通車前猪苓澤瀉滑石茯苓一切利水之藥此時禁而不用又恐土能制水凡補脾之藥能燥干津液其痘必致干枯故蒼朮白朮淮山棗仁以仁茯苓柯子栗壳藿香砂仁一切干燥除濕之劑總不宜投況津液盡行痘內多好飲而常口干勿用葛根知母而漸與之止渴蓋此時忌發表宜此清涼也縱有痰涎止宜用欬冬花粉而南星半夏恐燥烈而將不行川貝竹瀝又寒涼而慮毒水伏至不得

用藥法

血熱症

用藥去

留宜涼

血不宜

補血

毒盛症

用藥宜

解毒而

兼死毒

分疏起

服要藥

已而用芩連八九日來須用參芪監制若有熱而水不漲前胡在所必用頭面之痘不起川芎在所必加血熱而界不分紫草紅花生地赤芍以及丹皮是活血之聖藥而補血之歸茸則禁而莫用蓋血既熱而復補必成一片紅毡或頃刻轉爲焦紫惟血虛而痘不紅則歸茸必當重用兼以川芎白芍大元枝以助補血之力而紫草紅花是血虛之忌藥遇此症切莫輕投若熱盛而毒壅不起則連喬牛旁地丁慈菰理必用之而解毒毒之盛者當用此等以爲君略用荆防以達表更加陳梗以疏通蟬退提毒上行不可多與多則恐致空瘡山查宜通滯氣或清或補皆當以之爲佐其毒乃不滯留川

詳生
熱之宜

又論此
時忌藥

治頭面
起脹之

甲透裏攻漿或托或解總宜以之爲使臟毒乃得外宣芍藥
雖皆行血之藥然赤能涼血白能聚暈故血熱用赤六日以
前多取赤芍而生用血散用白七日以後須用白芍而炒之
黃芪雖最補氣然生則補中帶發熟則專秘腠肌甘草雖謂
和平然生則清胃解毒熟則補氣溫中是以二者之藥六日
以前生用七日以後炙施至于升麻乾葛薑活柴胡紫蘇麻
黃防風荆芥只壳枳榔皆走表散氣之藥至此皆不敢用卽
不得已而用之此等但雖少與亦要兼參芪以扶正氣而後
乃不傷元他如人中黃雖善解毒用此必合人參始不至於
耗本淫羊藿雖善攻漿然亦不敢多服多則痘必生痒遍身

決

治四肢

起脹之

法

治氣虛

之症用

藥

治泄瀉

法

起而頭面猶伏則重川芎而加升麻炒為引用虫退而以笋
尖作湯若頭面起而四肢不脹則去川芎而除桔梗用桂枝
以達四方若皮薄而軟頂白而平總以氣虛而斷必用人參
黃芪川芎肉桂以補氣藥為君若或赤色貫頂久而血不下
附頂不放光亦是氣虛不能統血陰盛陽衰之義宜以扶陽
為主而參芪丁桂總要多施最忌此時泄瀉瀉則中虛內陷
頃刻立變白灰此症最為險要必須補氣安脾參芪更加柯
菰甚則豆蔻九施雖謂起水忌脾強而急以治標為貴祇水
苓淮山莫用以柯菰為便宜蓋猛藥方能止泄泄定痘乃升
提氣虛下泄待何醫土炒升麻堪濟提氣上行能止泄又堪

論失音

咽喉痛

噎水噎

食

以下脩

起痘以高飛此方奇妙少人知曾經屢驗休疑倘或搖頭點額其間尚有驚風莫謂痘出此為凶鎮驚丸猶堪用七八日上或朦朧未免心經熱壅若用寧心補血定加變症無功若夫失聲咽痛此際不必驚慌定是喉中有痘痘脹故不聲揚噎水而兼吐飯總因內痘攔當迨至十日以後此症一概平康最怕痘瘡陷伏孩兒十个九亡又畏痘色青黑十日内返泉鄉頂焦終不放毫光有如癰瘡模樣十日舌上生疔十一日見閭王紅毡一片勢難富又怕面如錫盪蚕形蚊跡惡非常無藥能醫此瘧湯泡灯燒莫治灰黑二陷難醫若是紫白血陷此症尚可維持此時雜症是危機勿謂尋常容易腹脹

喘虛痰壅皆爲毒陷內攻大小二便來血悉爲臟敗中傷時
時張口欲吐見毒鬱而不祥漿未行而咬牙寒戰此症已云
難治痘不起而失智無魂吾知立見殄亡目上視而不轉或
牽衣而弄裳此等已爲鬼錄何須懇禱官奢

起脹順症

痘出齊後熱退身涼飲食得進精神清爽體暢心寧上無咳嗽
吐逆之弊下無泄瀉秘結之虞痘稀而朗顆粒分明頂尖圓而
口起脹脚不濶而聚紅暈痘頂放光而起瘡底帶漿面升先出
者先起脹痘若出齊至足而面部水汁俱行天庭地角總光明
左右頰腮俱潤澤水至八分其脚便有漿膿又或水至腳帶紅

漿更爲氣強血盛此等易漿易腐尤爲至美之苗其次漸漸升
灌亦爲最吉之痘吉症何須用藥只要飲食調和起居謹慎自
獲平安切莫妄服藥餌恐庸醫反致誤人又莫冒犯穢氣致外
邪而觸內毒且肥滑不宜與服恐滑利而生泄瀉以犯痘家之
忌生冷不可與食恐水滯而生腹痛以致終身之疾此保赤之
良言故向天下而致囑

凡遇順症自不藥而愈不必強而治之 余見一兒痘出雖多
而皆起脹余謂安然無事矣二日未嘗往視一庸醫見是兒數
日未曾大便遂與下藥一服未泄又進一服孰知一泄之餘痘
遂倒陷此輕症變重之故雖出庸醫之誤亦其父母不慎之過

也藥能救人亦能殺人而可冒昧以用乎

起脹險症

夫痘之起脹雖在六日之後而其調治之藥當施於七日之前蓋痘之所以難起者必是毒盛痘稠也凡解毒之藥多是清涼惟七日以前可用若八九日上候當用補毒若未清則畏首畏尾難施治矣故于六七日間毒之甚者急宜解之斷不可稍遲延也

痘之毒氣出於臟腑氣血拘攝送于皮膚故成瘡形初出乃是血點其後漸漸運化血化爲水水化爲膿必漿足膿成毒乃化盡然必出於皮膚而毒始能化也故痘必起而水乃行水將行

則痘光潤是以痘宜光而不宜暗宜滑而不宜滴宜起而不宜
伏究痘之起與不起毒之化與不化皆氣血盈虛之故邪正盛
衰之由也必正氣盛而和氣衰陰陽調和血氣通暢乃能化毒
以成漿

一有痘色紅紫而焦枯者乃毒氣熾盛血燥而凝不能起脹而
化也宜用清毒活血湯主之

清毒活血湯

前胡

紫草

八分

當歸

生地

七分

白芍

八分

木通

五分

牛子

連翹

八分

桔梗

炒芩

炒蓮

四分

山查

八分

甘草

三分

人參

四分

生芪

八分

渴加麥

冬花粉

又有痘魚淡白泡不尖圓根無紅暈而不起脹者乃元氣虛弱
血寒而縮不能送毒外化以行漿也宜用參歸鹿茸湯或干

金內托散

參歸鹿茸湯

人參錢一炙芪錢一當歸各一錢五分炙草六分鹿茸三錢酒炙

右方大補氣血托膽之劑莫妙如此用生薑龍眼引

手足冷加木香三分丁香肉桂五分寒戰咬牙加肉桂附子

泄瀉加白芍豆蔻柯子木香丁香肉桂另用參朮調脾散或

豆蔻丸以止泄二方俱見九散篇

千金內托散